

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

LAWATAN

PELAKSANAAN SKIM HARGA MAKSIMUM MUSIM PERAYAAN (SHMMP) HARI RAYA PUASA 2019

KUALA LUMPUR, 21 MEI 2019 - Lawatan pada hari ini adalah bertujuan untuk membuat tinjauan ke atas peniaga sempena pelaksanaan Skim Harga Maksimum Musim Perayaan (SHMMP) ini. Selain itu, ia juga bertujuan untuk memaklumkan kepada rakyat tentang langkah Kerajaan yang prihatin dan serius dalam menangani kos sara hidup dan kenaikan harga barangan.

Dalam ekonomi yang semakin mencabar ini, pihak Kerajaan sentiasa mengambil usaha dan langkah untuk menstabilkan harga barangan keperluan terutamanya semasa rakyat menyambut musim perayaan.

Sehubungan itu, Skim ini akan dilaksanakan bermula dari 21 Mei hingga 19 Jun 2019, hari ini merupakan hari pertama pelaksanaannya di seluruh negara.

Tempoh kuat kuasa Skim pada tahun ini dilanjutkan tempoh pelaksanaannya selama 30 hari iaitu selama 15 hari sebelum perayaan, pada hari perayaan dan 14 hari selepas hari perayaan berbanding 15 hari pelaksanaannya sebelum ini.

Kementerian Perdagangan Dalam Negeri dan Hal Ehwal Pengguna (KPDNHEP) telah mengenal pasti sebanyak 27 jenis barangan bagi pelaksanaan SHMMP Hari Raya Puasa 2019 berbanding 21 jenis barangan sebelum ini.

Bagi pelaksanaan skim pada tahun ini, terdapat perubahan barangan berbanding pelaksanaan pada tahun 2018 iaitu ikan segar beku kembung, ikan segar beku selar, ikan segar beku selayang, kacang panjang, kacang tanah dan cili kering dimasukkan pada pelaksanaan skim tahun ini.

KEWAJIPAN PENIAGA

Para peniaga diwajibkan menjual barangan harga terkawal tidak melebihi harga maksimum yang ditentukan oleh Kerajaan dan meletakkan tanda harga khas berwarna merah jambu ke atas barangan harga terkawal bagi membezakan dengan barangan lain. Walau bagaimanapun, peniaga digalakkan untuk menjual barangan tersebut lebih rendah daripada harga maksimum sekiranya harga yang diperoleh adalah lebih rendah.

Para peniaga juga diingatkan bahawa tindakan tegas akan diambil terhadap mereka yang gagal mematuhi peraturan-peraturan di bawah skim ini. **Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:**

- (i) Kesalahan menjual barangan harga terkawal melebihi harga maksimum bagi :

Individu : boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000.

Syarikat : boleh didenda sehingga RM500,000 atau dikompaun sehingga RM250,000; dan

- (ii) kesalahan gagal meletakkan tanda harga berwarna merah jambu bagi barangan harga terkawal bagi :

Individu : boleh didenda oleh mahkamah sehingga RM10,000 atau dikompaun sehingga RM5,000.

Syarikat : boleh didenda sehingga RM20,000 atau dikompaun sehingga RM10,000.

Dalam usaha untuk melindungi pengguna, Kementerian turut meningkatkan keberadaan pegawai-pegawai penguatkuasa di tempat-tempat terpilih yang menjadi tumpuan orang ramai melalui tindakan *Omnipresence*. Ini bertujuan mewujudkan ruang persekitaran perniagaan yang selamat dan beretika melalui kehadiran pegawai penguatkuasa.

Di samping itu, Kementerian turut memperkukuhkan pemantuan harga dengan mengadakan kerjasama bersama pelbagai pihak, antara lain:

- i. **Pegawai Pemantau Harga** yang menjalankan pemantauan harga barangan keperluan asas di seluruh negara di bawah Kementerian;

- ii. ***Friends Of KPDNHEP (FOK)*** yang merupakan mata dan telinga Kementerian. Kementerian akan bekerjasama dengan Pengguna yang menyertai program ini bagi menyebarkan maklumat berhubung kepenggunaan terutama mengenai isu harga barang; dan
- iii. **Kerajaan Negeri dan Agensi Kerajaan** lain serta penglibatan **penghulu dan penggawa** dalam membantu memantau dan menyalurkan maklumat kenaikan harga barangan.

Skim ini akan berjaya sekiranya semua pihak bertanggungjawab dan memainkan peranan masing-masing.

12. Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga. **Kementerian** turut mewujudkan **Skuad Tindakan Aduan Rakyat (STAR)** dalam usaha untuk **menangani aduan** rakyat dengan lebih **berkesan**.

Jika didapati ada peniaga yang tidak mematuhi undang-undang berkenaan dengan skim ini, pengguna boleh menyalurkan aduan kepada Kementerian ini melalui:

- (i) Portal e-aduan@kpdnhep.gov.my
- (ii) [Call Centre 1800 886 800](tel:1800886800)
- (iii) Emel e-aduan@kpdnhep.gov.my
- (iv) aplikasi telefon pintar **Ez ADU**
- (v) **Enforcement Command Centre (ECC) 03-8882 6245 / 6088**
- (vi) talian 03-8000 8000 **Malaysia Government Call Centre (MYGCC)**
- (vii) Whatsapp ke **019- 279 4317**
- (viii) lapor/hadir ke mana-mana 73 buah pejabat KPDNHEP di seluruh negara.

###